



## OPĆINSKO VIJEĆE KAKANJ

### OPĆINA KAKANJ

#### Načelnik Općine

Služba za društvene djelatnosti,  
boračka pitanja, raseljena lica,  
izbjeglice i povratnike

## PRIJEDLOG PROGRAMA RADA JU „KULTURNO-SPORTSKI CENTAR KAKANJ“ ZA 2021.GODINU

Program sačinili: **Mirza Mušija**, direktor Javne ustanove

*Saradnici na izradi programa rada – uposlenici JU:*

**Nihad Tukić** – šef odjela za opće poslove

**Marin Mijač** – šef odjela za sportske djelatnosti

**Nerma Alagić** – šef odjela za PR i marketing

**Mustafa Subašić** - šef odjela za održavanje

**Mirza Bajramović** - saradnik za scenske djelatnosti

**Adisa Trako** - saradnik za obrazovanje

**Amra Veispahić** - kustos

U Kaknju,  
mart 2021.godine

## SADRŽAJ

1. OPĆE INFORMACIJE	3
2. VIZIJA, MISIJA I STRATEŠKI CILJEVI JU	4
3. AKTIVNOSTI JU	4
4. Kulturno-umjetničke djelatnosti	5
5. Djelatnosti obrazovanja	8
6. Zaštita kulturne baštine, muzejska djelatnost, bibliotečka djelatnost	9
7. Sportske djelatnosti	10
8. MARKETING	12
9. TEKUĆE ODRŽAVANJE I INVESTICIJE	13
10. LJUDSKI RESURSI	15

## 1. U V O D

Opće informacije i generalni osvrt

### OPĆE INFORMACIJE

Puni naziv ustanove: Javna ustanova „Kulturno-sportski centar“ Kakanj

Skraćeni naziv ustanove: JU KSC KAKANJ

Sjedište: Ulica Šehida br. 5, 72240 Kakanj, BiH

Internetska stranica: [www.ksckakanj.ba](http://www.ksckakanj.ba)(android aplikacija) FB: [JU Kulturno-sportski centar Kakanj](https://www.facebook.com/JU-Kulturno-sportski-centar-Kakanj)

Youtube: [JU KSC Kakanj KAKANJ](https://www.youtube.com/channel/UC...) Instagram: [#juksckakanj](https://www.instagram.com/juksckakanj)

Tel/fax: 032/771-920, 032/771-921, 032/975-063 (dežurni dvorana)

Mail: [juksckakanj@ksckakanj.ba](mailto:juksckakanj@ksckakanj.ba)

Direktor ustanove: mr.sc. umjetnosti Mirza Mušija

ID broj: 4218149200002

Poslovna banka: ASA BANKA D.D. Sarajevo (trezor)

Godina osnivanja: 1967.

Osnivač/vlasnik: Općina Kakanj/Općinsko vijeće Kakanj

Glavni finansijer: Općina Kakanj

Objekti koje koristi JU:

- Zgrada Uprave JU
- Muzej Kakanja
- Omladinski centar (KICK)
- Gradska likovna galerija
- Dom kulture (bez suterena)
- Sportska dvorana Kakanj- sala A
- Nove sportske dvorane- sala B i C
- Kuglana
- Sportska dvorana Re-al Centar
- Ski centar Ponijeri
- PJ Kafe bar EUROPA – Kakanj
- PJ Kafe bar KSC – Ponijeri
- Poslovni objekat sa sportskim igralištem i dvorištem na Ponijerima

---

## 2. VIZIJA, MISIJA I STRATEŠKI CILJEVI JU

### Vizija:

JU Kulturno-sportski centar Kakanj je ključni bosansko-hercegovački, a prije svega kakanjski medijator savremene umjetnosti i kulture, jedinstveno okupljalište građana. JU je sigurna kuća za isprobavanje novih ideja, za kreativne eksperimente i društveni angažman te interkulturno čvorište u kojem se povezuje lokalna scena s onima iz drugih europskih gradova. JU je temeljna tačka stabilnosti i razvoja kakanjske kulture, sporta i organizacija građana.

### Misija:

Pružati kvalitetan i pouzdan sadržaj za prezentaciju, medijaciju i afirmaciju savremenih sportskih, umjetničkih i kulturnih praksi te za aktivno sudjelovanje građana, s posebnim osvrtom na mlade, u kulturnim i sportskim aktivnostima u Kakanju.

### Opći (strateški) ciljevi:

1. Osigurati uslove za stabilizaciju i razvitak kakanjske kulture, sporta i organizacija mladih te afirmaciju savremene umjetnosti, kulture i sporta;
2. Omogućiti aktivno sudjelovanje lokalne zajednice, posebno mladih, u kulturnim, sportskim i društvenim aktivnostima te poticati njihovo stvaralaštvo;
3. Etablirati kakanjsku umjetničku scenu na državnom nivou.
4. Poticati kvalitetnije funkcionisanje Muzeja u smislu očuvanja zaštite, istraživanja i promocije muzejske baštine kao i ostvarivanje društvene uloge Muzeja.

### Specifični ciljevi (prioriteti):

1. Razviti kvalitetan, prepoznatljiv, raznolik i uravnotežen sportski i kulturno-umjetnički program;
2. Postići status bitnog aktera na državnoj kulturnoj i sportskoj sceni;
3. Postati institucija koja je stalno prisutna i vidljiva u široj javnosti i koju ciljana publika doživljava kao primarno mjesto ('top-of-mind' status);
4. Osigurati atraktivan, pristupačan te posebno oblikovan i dobro opremljen prostor;
5. Osigurati raznolike izvore finansiranja i zadržati financijsku stabilnost;
6. Razvijati ljudske kapacitete i poticajnu atmosferu rada.

## AKTIVNOSTI JU

Aktivnosti koje obavlja JU „Kulturno-sportski centar“ Kakanj mogu se podijeliti u četiri organizacione jedinice, i to:

- I. Kulturno-umjetničke djelatnosti u sklopu koje djeluje: *filmsko-prikazivačka djelatnost; dramski studio (škola glume), muzički centar, književno stvaralaštvo i scensko izvođenje.*
- II. Djelatnosti obrazovanja u sklopu koje se *organizuju edukativni kursevi, te vrši obuka i testiranje iz oblasti zaštite na radu, zaštite od požara i pružanja prve pomoći.*
- III. Zaštita kulturne baštine, muzejska djelatnost, biblioteka djelatnost
- IV. Sportske djelatnosti

### **I. Kulturno-umjetničke djelatnosti**

#### **a) Filmsko-prikazivačka djelatnost**

JU KSC Kakanj je zbog nepostojanja nove opreme za prikazivanje filmova koristila usluge „Putujućeg kina“ iz Banja Luke, a povremeno saradivala i sa Operacijom kino iz Sarajeva. U 2019.godini smo ostvarili saradnju sa najvećim filmskim festivalom u regionu **Sarajevo film festivalom, a 2020.godinu je obilježila pandemija koja je pomrsila plan nabavke 3D opreme za projekciju filmova i po svemu sudeći će ta oprema morati da čeka 2022. godinu.** Pandemija koronavirusa uticala je i na saradnju sa pomenuta dva grada, te u 2020. godini nije ostvarena niti jedna projekcija sa pomenutim kinima, ali smo uspjeli u protekloj godini realizirati prvo Drive In kino na otvorenom, u saradnji sa „Bh. Telecomom“ i agencijom „Produkcija“. **Ova saradnja nam je otvorila novu mogućnost prikazivanja određenih filmova, uz otkup svih prava na puštanje pod uslovima koji su našoj Ustanovi podnošljivi, jer se ne radi o premijernim naslovima.**

I ove godine ćemo u skladu sa našim mogućnostima i opremom kojom raspoložemo nastojati vršiti prikazivanje filmova na velikom platnu, a preko saradnika iz Sarajeva i Banja Luke planiramo prikazati najnovija svjetska ostvarenja u našem Domu kulture, ukoliko mjere to dopuste.

Prethodnih godina smo informisali Osnivača JU, da ukoliko želimo pratiti standarde drugih gradova (Zenica, Sarajevo, Banja Luka, Konjic, Busovača i dr.)potrebno je nabaviti kompletnuopremukoja bi se montirala u velikoj Sali Doma kulture, a njena cijena se instalacijom je sada otprilike 180.000,00 KM.Osim moderno opremljene sale, uveliko koristimo sve naše kapacitete i na inventivan način koristimo ugodan ambijent parka Doma kulture, gdje u vrelim ljetnim danima uz ljetnu baštu nudimo i projekcije filmova, fudbalskih utakmica, koncerata, pozorišnih predstava, poetskih večeri itd.

U sklopu ljetnog programa planiramo i ove godine prikazivati u parku Doma kulture najnovije animirane sinhronizovane filmove na besplatnoj osnovi, filmska ostvarenja sa Sarajevo film festivala, prenose fudbalskih utakmica najpopularnijih svjetskih takmičenja, te biti dio organizacije VIVA film festivala.

## b) Dramski studio & Škola glume

**Sezonu 2020/2021.** već smo počeli sa realizacijom pozorišne predstave „Nastanak Rima“ Dramskog studija. U januaru 2021. ostvarena je i saradnja sa omladinskim pozorištima iz Banja Luke, Bugojna, Kotor Varoši, Prijedora, Zenice i Trebinja u vidu implementacije projekta **„Ignorance is stubborn and prejudice is hard“** čiji nositelj je Dom kulture „Miroslav Miro Pejović“ Kotor Varoš, a finansijer Ambasada SAD-a. Na ovaj način nastavljena je međuentitetska saradnja, a Dramski studio postaje prepoznatljiv partner na realizaciji pozorišnih projekata, čime se ostvaruje zacrtana vizija. Osim ovog, planirana je i realizacija još jednog projekta u 2021. godini koji podrazumijeva saradnju pozorišta iz oba entiteta. Riječ je o projektu **„Mladi u vremenu zabrana i distanci – tragati, saznati, djelovati“** koji se nalazi u fazi apliciranja prema Amabasadi SAD-a, a čiji konačni produkt je zajednička predstava ili pozorišni uradak omladinskih pozorišta iz Trebinja, Bugojna, Zenice i Kaknja. Implementacija projekta će isključivo zavisiti od toga da li će projektna aplikacija zadovoljiti kriterije donatora. Također će se pregovarati i održivosti projekta i igranju pozorišnog performansa **„The Freedom Collection“**.

Realizovano je gostovanje predstave Bosanskog narodnog pozorišta iz Zenice pod nazivom **„Sakati Bili sa Inišmana“** u februaru mjesecu. Spram dosadašnje prakse, neophodno je dogovoriti gostovanje pozorišnih predstava iz poznatih bh. teatarskih kuća 30-60 dana prije datuma igranja.

Ova godina također će proteći i u znaku jubileja i to realizacijom prvog mjuzikla Dramskog studija JU KSC Kakanj pod nazivom **„Aladin“** čija premijera je planirana u **aprilu 2021.** kao poklon građanima povodom obilježavanja dana opštine Kakanj. Pomenuti projekat je podržan od strane **Federalnog ministarstva za kulturu i sport, te Ministarstva za obrazovanje, nauku, kulutru i sport ZDK,** čija realizacija je zaustavljena u 2020. godini zbog pandemije koronavirusa. Riječ je o izuzetno važnom projektu od značaja za kulturu Općine Kakanj i po svim parametrima mjuzikl „Aladin“ će zabilježiti praižvedbu, što podrazumijeva:

- formiranje jedinstvenog tekstualnog predloška (autorsko vlasništvo JU KSC Kakanj);
- učešće profesionalnih kakanjskih pozorišnih i muzičkih radnika u projektu na svim segmentima: producent i adaptacija teksta: Mirza Mušija; pozorišna režija i glumac u projektu: Mirza Bajramović; dizajn svjetla, specijalnih efekata i glumac u predstavi: Damir Čobo; aranžmani muzička produkcija: Armen Škobalj;
- projekat ujedinjuje sljedeće segmente JU KSC Kakanj: Dramski studio, Školu glume; Muzički centar;
- za potrebe projekta angažirani profesionalni i renomirani radnici iz žanra mjuzikla: Alma Ferović, koja će potpisati vokalni trening i koreografiju, te glumac Aldin Tucić;
- u produkcijskom smislu ostvarena je saradnja sa Udruženjem za promociju kulture „FANI“ iz Sarajeva i Fahrudinom Kučukom, te Baletnim studijom „Ars centar“ iz Zenice.

Osim toga u **2021.** će se dogovoriti i plan gostovanja mjuzikla „Aladin“ , te nastojati da se pomenuti projekat realizuje u što više gradova BiH i eventualno ubilježe gostovanja van granica

BiH, a prvu izvedbu van Kakanja, realizovali bismo uz **7. Festival dječije umjetnosti u maju 2021.**, a svakako je da će jedan od domaćina biti i JU KSC Kakanj, kao zasebne pozorišne aktivnosti.

Predstava profesionalne produkcije je „**Ježeva kućica**“, nastala u saradnji JU KSC Kakanj, BNP Zenica, DOL scena i JU Centra za kulturu Zavidovići, već je zabilježila 3 igranja u 2021. i njeno izvođenje je planirano i tokom cijele tekuće godine.

Osim pomenutog mjuzikla „Aladin“ i „Ježeve kućice“, **starija grupa polaznika Škole glume** Dramskog studija u **2021.** planira nastaviti sa učešćima na festivalima u BiH, a već u februaru mjesecu planiran je početak rada na novoj predstavi sa kojom će se aplicirati po festivalima u BiH. Pomenuta predstava ujedno će biti i završni rad 12. ciklusa „Škole glume“ 20/21 starije grupe polaznika, a premijera je planirana u aprilu mjesecu '21., neposredno uz premijeru mjuzikla „Aladin“.

Kao što je već prethodno spomenuto u **oktobru 2020.** sa radom je krenuo i **dvanaesti ciklus „Škole glume“ 2020/2021.** Kao i prethodnih godina i ovaj ciklus obuhvata dramsko-pedagoške radionice za mlađu i stariju grupu polaznika, a ciklus se završava premijerom pozorišne predstave, mlađe i starije grupe polaznika. S obzirom na koronavirus u 2020.-oj godini otkazan je rad na predstavi mlađe grupe polaznika, a ovaj ciklus nastavilo se sa radom pomenute grupe. Već u februaru mjesecu počinje početak rada na predstavi mlađe grupe pod nazivom „**Čarobnjak iz Oza**“ čija premijera je planirana u maju mjesecu '21.

### **c) Muzički centar**

U **2020.** ili školskoj **20/21.** Muzički centar nastavlja svoje djelovanje kroz **hor**, te odsjeke za **klavir i gitaru**. Kao i za prethodni ciklus i za ovaj **2020/2021** biti će anagažovani Amila Pašalić, kao voditelj hora, Armen Škobalj, kao saradnik Muz. centra i predavač na odsjeku za klavir i prof. Mirza Hatunić kao predavač na odsjeku za gitaru.

Horska sekcija svoje učešće će imati i u mjuziklu „Aladin“, a polaznici ostalih sekcija, osim internih i završnih koncerata, svoja učešća planiraju i na svečanim akademijama i drugim manifestacijama svečanog karaktera.

### **d) Umjetničko-književno stvaralaštvo, scensko izvođenje**

Naša Ustanova do sada je realizovala brojne programe kulturno-zabavnih aktivnosti koje je organizovala u povodu raznih jubileja i praznika, te s takvom intencijom nastavljamo i ove godine, s tim da planiramo staviti fokus na kulturno-sportske manifestacije koje organiziramo ljeti „Kakanjski dani“ i zimi „Udahni Ponijere“, kao i međunarodni festival mode „Golub mira“. Uspostavili smo bolju saradnju sa svim osnovnim i srednjim školama, kao i sa svim nevladinim udruženjima sa područja naše općine što je rezultiralo sa nekoliko zanimljivih projekata, koje planiramo realizirati i unaprijediti i ove godine.

Kulturno-sportska manifestacija „**Kakanjski dani**“ je od 2016.god. organizacijski pripala JU KSC Kakanj i sigurno predstavlja najobimniju i najzahtjevniju manifestaciju u toku kalendarske

godine plana i rada, koja obuhvata sve segmente koje spadaju u registar djelatnosti rada JU KSC Kakanj. Potreba za kontinuitetom kvalitete sadržaja i poboljšanje istih, prije svega zahtijeva prikupljanje ponuda za koncerte, pozorišne predstave, sportske sadržaje, muzejske i druge izložbe, kao i ostale zabavne programe i revije, kako naših gostiju, tako i događaja koji su nastali u vlastitoj produkciji. Centralna pozornica (koja je u vlasništvu JU-e) i park Doma kulture su mjesta dešavanja koja u velikom broju prikupljaju građane Općine Kakanj, ali i šire. I ove kalendarske godine uposlenici će se potruditi da ponude mnoštvo zanimljivog, atraktivnog i kvalitetnog programa, kroz koncerte domaćih i regionalnih muzičkih zvijezda, poznate i kvalitetne pozorišne predstave vlastite produkcije, ali i gostovanja predstava iz drugih pozorišnih kuća, zabavne i edukativne programe za mališane, kao i za ljubitelje muzejske djelatnosti. Prošlegodine smouprkos pandemiji održali ovu manifestaciju pridržavajući se svih propisanih mjera, a nadamo se da ćemo u 2021. godini imati mnogo bolje uslove za organizaciju ove manifestacije.

Kao pandan ovoj ljetnoj manifestaciji, planiramo brendirati zimsku manifestaciju „Udahni Ponijere“, koja će poprimiti novu dimenziju kada izvršimo adaptaciju poslovnog objekta sa sportskim terenom na Ponijerima.

U sklopu Ustanove djeluje i Gradska galerija u kojoj planiramo vršiti izložbe slika kakanjskih slikara ali i drugih poznatih umjetnika iz BiH i regije.

U omladinskom centru- KICK-u, ali i Muzeju Kaknja planiramo promocije vrijednih naučnih i književnih djela, dokumentarne i historijske filmove, a posebna ciljna skupina pored svih građana će biti mladi.

Velika sala Doma kulture će pored pozorišnih aktivnosti poslužiti i za organizovanje komercijalnih gostovanja estradnih umjetnika i za iznajmljivanje drugim organizacijama i licima.

## **II. Djelatnost obrazovanje**

Javna ustanova „Kulturno-sportski centar“ Kakanj tokom svake školske godine, u saradnji sa spoljnim saradnicima organizuje edukativne i kreativne kurseve iz oblasti za kojima se ukaže potreba kod naših sugrađana. Vršimo kurseve iz engleskog jezika, njemačkog jezika, turskog jezika, kao i kurs krojenja i šivenja, te kurs informatike. Vršimo obuku i testiranje iz oblasti zaštite na radu, zaštite od požara i pružanja prve pomoći. Osnovni zadatak rada saradnika za obrazovanje JU KSC Kakanj je primjena savremenih teorijskih i praktičnih saznanja pedagoške nauke u procesu ostvarivanja zadataka s ciljem unapređivanja segmenta obrazovanja JU KSC Kakanj.

U sklopu pružanja usluga obrazovanja u JU KSC se tokom jedne godine angažuje cca 10 profesora-predavača na osnovu Ugovora od djelu u periodu od 3 mjeseca, što predstavlja jedan vid zapošljavanja VSS kadrova iz Kaknja.

Aktivnosti na unapređenju djelatnosti obrazovanja JU KSC tokom 2020.godine se odnose na sljedeće:



- Rad na popularizaciji i povećanju broja polaznika kurseva
- Praćenje i vrednovanje ostvarenih rezultata
- Rad na poboljšanju metodologije rada profesora - predavača
- Rad na uvođenju novih edukativnih i kreativnih kurseva
- Rad na medijskoj promociji i kvaliteti rada kurseva
- Organizacija odgojno-obrazovnog rada „Ljetne škole“
- Drugi inovatni poduhvati (novi sadržaji, oblici i metode rada, motivacioni podsticaji)
- Saradnja sa lokalnom zajednicom (osnovne i srednje škole naše Općine, vrtići i druge obrazovne institucije, pedagozi škola, Udruženja itd.)

Ostvarivanjem bolje saradnje sa zainteresovanim firmama, udruženjima, građanima, kao i putem komunikacije i sprovođenja anketnih upitnika, JU će konstantno tragati kako bismo došli do saznanja o potrebama koje postoje kod istih, a za koje Javna ustanova može ponuditi odgovarajuće rješenje. U tom smislu smo ostvarili saradnju sa Institutom Yunus Emre iz Sarajeva i realizovali besplatni kurs turskog jezika za naše sugrađane, a plan je da saradnju nastavimo i u ovoj godini.

### **III. Zaštita kulturne baštine, muzejska djelatnost, bibliotečka djelatnost**

U sklopu JU KSC Kakanj djeluje i Muzej Kakanja čiji je primarni cilj zaštita kulturne baštine i muzejska djelatnost, a od maja 2017.godine i bibliotečka djelatnost.

Planirane aktivnosti iz ove oblasti tokom 2021.godine su:

- Redovno vođenje formiranih muzejskih zbirki: Etnološka, Tehnička, Historijska, Zbirka ratnih godina, Arheološka, Numizmatika
- Prikupljanje eksponata
- Reorganizacija i restauracija Etnološke zbirke
- Formiranje kartoteke postojećih zbirki Muzeja Kakanja
- Formiranje fototeke postojećih zbirki Muzeja Kakanja
- Kreiranje vlastitih izložbi
- Propagandni materijali – pisanje vodiča, prospekata, info-ploča, izrada legendi
- Uređenje lapidarija
- Redovno vođenje stručne muzejske biblioteke (vođenje zbirki, prikupljanje nove bibliotečke građe, formiranje kartoteke, elektronizacija podataka)
- Organiziranje povremenih izložbi te sudjelovanje u realizaciji gostujućih izložbi
- Organiziranje radionica, debata, takmičarskih igara, okruglih stolova
- Obilasci najznačajnijih spomenika kulture sa područja općine Kakanj i nadzor nad njima (redovan obilazak - dva puta godišnje)
- Održavanje restaurirane rudničke lokomotive
- Pisanje projekata u svrhu zaštite nacionalnih spomenika i drugih kulturno-historijskih vrijednosti
- Uspostavljanje saradnje sa drugim institucijama
- Stručno usavršavanje osoblja putem naučnih skupova, konferencija i seminara

O ovoj 2021. godini planiramo realizirati projektne aktivnosti koje smo zbog pandemije bili primorani prolongirati, kao i prezentirati radove koje smo u toku pandemije izvršili, a nisu bili planirani za prethodnu godinu.

U proteklih šest godina pokazalo se da Muzej najviše privlači osnovnoškolsku populaciju te da je tek trećina ukupne populacije posjetitelja starija od 20 godina. U tom smislu planiramo pojačati aktivnosti koje će privući, pored populacije predškolskog i školskog uzrasta, sljedeće ciljne skupine :

1. Građanstvo – porodice s djecom, pojedinci od 20-50 godina, penzioneri -
2. Strani posjetitelji
3. Mediji

Muzejske institucije na specifičan način komuniciraju poruke prema svojim korisnicima, te će prva faza pristupa biti realizirana kroz:

- Izradu kataloga muzejskih Izložbi
- informiranjem javnosti putem internetske stranice
- umrežavanjem s partnerskim institucijama i organizacijama
- održavanjem aktivnog odnosa s medijima

#### IV. Sportske djelatnosti

Sportska dvorana KSC Kakanj je sportski objekat čija je namjena prvenstveno za treniranje ekipa koje su vezane za dvoranski sport, odigravanje utakmica, organizaciju rekreativnih aktivnosti i drugih manifestacija. Ovaj sportski objekat omogućava i organizaciju i odigravanje međunarodnih utakmica i obavljanje priprema ekipa i sportista.

U Sportskoj dvorani KSC se pored trenažnih procesa sportskih klubova (Košarkaški klub Kakanj, Odbojkaški klub Kakanj, Rukometni klub Kakanj, Ženski odbojkaški klub Kakanj), te povremeno i drugih sportskih klubova, održavaju i rekreativne aktivnosti velikog broja kakanjskih firmi kao i različitih pojedinaca i fizičkih lica.

Stavljanjem u funkciju novih sportskih sala (B i C) otklonjen je problem nedostatka termina za trening i rekreaciju, te time stvoreni uslovi za dodatnu iskorištenost kapaciteta sportskih objekata kojim raspolaže JU KSC.

U sklopu JU KSC Kakanj se nalazi i četverostazna kuglana koja zadovoljava kriterije za održavanje, kako prvenstvenih tako i međunarodnih takmičenja u kuglanju, te je ovim dat puni doprinos za rad Kuglaškog kluba „Rudar“ i razvoj ovog sporta u Kakanju.

Takođe, u sastavu JU KSC Kakanj nalazi se i sportska sala na poslovnom objektu Re Al Company.

U 2021. godini u zavisnosti od situacije oko korona virusa planirane su sljedeće aktivnosti:

- realizacija projekta Biznis lige ili Lige mjesnih zajednica u malom nogometu uz podizanje kvalitete i masovnosti u odnosu na prethodne godine,
- marketing i promocija trim kabineta u sklopu Sportske dvorane KSC (specijalne ponude, popusti, sl.), u skladu sa budžetom nabavka novih sprava i rekvizita,

- nastavak realizacije projekta za osnovne i srednje škole iz različitih sportskih disciplina u okviru Malih olimpijskih igara, kako bi afirmisali što veći broj školske djece i mladih u svrhu korištenja sportskih objekata kojim raspolažemo (naročito objekat kuglane i novih sportskih sala),
- organizovanje takmičenja iz sportova koji su manje zastupljeni na području naše općine (bilijar, stoni tenis, kuglanje itd.),
- organizacija biciklističkih tura u saradnji sa biciklističkim udruženjima (u povodu obilježavanja Europskog dana bez automobila, u povodu dana Općine i sl.), promocija biciklističkog sporta na način da se vrši iznajmljivanje bicikala u periodu kada vremenski uslovi dozvoljavaju,
- nastaviti sa aktivnostima povećanja iskorištenosti kapaciteta objekta kuglane (organizovanje posjeta, popusti za učenike i studente itd.),
- u periodu kada su sportski objekti najvećim dijelom neiskorišteni organizovati različite sportske sadržaje naročito na platou ispred Sportske dvorane (vanjski šah, igrališta za djecu i dr.), u zimskom periodu zavisno od finansijskih mogućnosti razmotriti mogućnost najma terena za klizalište,
- organizovanje malonogometnih turnira za djecu i odrasle (božićno-novogodišnji, bajramski, turnir u povodu dana općine i dr.), kao i turnira iz ostalih dvoranskih sportova (košarka, odbojka, rukomet, borilački sportovi i dr.),
- u dogovoru sa školama, ukoliko bude zainteresovanih organizovati odlazak na zatvorene bazene u našoj neposrednoj blizini – Zenica ili Vitez,
- aktivan doprinos u učešću i organizaciji sportskih dešavanja za vrijeme manifestacije Kakanjski dani na način da se organizuju novi, inovativniji sportski sadržaji,
- raditi na povećanju posjećenosti sportskih manifestacija koje se održavaju u Sportskoj dvorani (intezivirati saradnju sa sportskim klubovima i njihovim omladinskim selekcijama).

## SKI CENTAR PONIJERI

Pored Sportske dvorane, tri sportske sale i kuglane JU KSC upravlja i ski liftom na Ponijerima, koji služi kako za rekreativno skijanje građana Kaknja, tako i drugih korisnika iz naše bliže i dalje okoline. Kako bi što spremnije dočekali novu skijašku sezonu ove godine su pored redovnih remontnih aktivnosti (zamjena dotrajalih sjedalica, sajle, rasvjetnih tijela, guma na točkovima itd.) urađene i dodatne aktivnosti koje uključuju servis mašine za ravnanje staze (ratraka), kao i druge sitne popravke.

U zavisnosti od epidemiološke situacije oko korona virusa, tokom 2021. godine planirane su sljedeće aktivnosti:

- realizacija projekta škole skijanja u Ski centru Ponijeri tokom cijele zimske sezone (raditi na povećanju masovnosti kroz saradnju sa školama i udruženjima i ponuditi Osnivaču projekat besplatna škola skijanja),
- u saradnji sa Planinarskim društvom Bobovac, biciklističkim udruženjima i GSS-om organizovati pješačke i biciklističke ture, realizovati projekat „Adrenalinski park na Ponijerima“, a s ciljem promocije Ponijera kao i organizovanje sportskih susreta iz različitih disciplina na platou Ski centra (zip line, odbojka, mali nogomet i dr.),
- organizovanje dočeka Nove godine uz bogat kulturno - zabavni program,

-realizacija projekta škole skijanja u Ski centru Ponijeri tokom cijele zimske sezone u saradnji sa Općinom Kakanj (raditi na povećanju masovnosti kroz saradnju sa školama i udruženjima),  
 -nastavak realizacije projekta „Udahni Ponijere“ uz još bogatiju kulturno - zabavnu i sportsku ponudu (sankanje, razovrsne igre na snijegu, radionice, muzički nastupi i dr.) u saradnji sa udruženjima i sportskim klubovima,  
 -u saradnji sa Društvom pedagoga TIZO-a organizovanje takmičenja u alpskom skijanju za sve zainteresovane kao i takmičarske utrke za klubove u okviru kalendara Skijaškog saveza BiH,  
 -poboljšanje infrastrukture na skijalištu, adaptacija postojećeg terena ili prosijecanje nove staze za obuku skijaša (početnika i naprednih skijaša) kao i sankališta,  
 -nastaviti sa praksom organizovanja volonterskih akcija u smislu čišćenja kompletnog Ski centra (plato, staza i dr.) van zimske sezone,  
 -raditi na poboljšanju i jačanju zimskog planinskog turizma kroz poboljšanje ukupne zimske turističke ponude.

## **MARKETING**

Stranica [www.ksckakanj.ba](http://www.ksckakanj.ba) u 2020. godini čitav fokus usmjerila je na interakciju sa korisnicima i posjetiocima JU KSC Kakanj, posebno od marta protekle godine kada smo bili primorani zbog mjera. Plan je da se takav trend komuniciranja nastavi i u 2021. godini. Naši korisnici imaju mogućnost rezervacije sportskih termina, upisa na edukativne kurseve, upisa na Školu glume, kupovinu karata za kulturne i sportske događaje, gledanje predstava preko našeg youtube kanala i to iz udobnosti svoga doma putem nove responsivne web platforme i android aplikacije koju smo također aktivirali.

U zadnjem ciklusu edukativnih kurseva zaprimljeno je više od 40 prijava, isključivo preko web stranice od 77 prijavljenih. Ovo je pokazatelj da smo napravili ispravnu odluku i našim korisnicima omogućili što lakši i brži put do prijave na željeni kurs. Dizajn nove web platforme je urađen u skladu sa svjetskim standardima takozvanog "theatre look-a" u originalnom dizajnu po kojem je JU KSC Kakanj na raspolaganju svim građanima.

Ovaj multi-site sadrži zasebno **podstranice** svake od naših djelatnosti uz online raspored svih sadržaja koje naša Ustanova nudi.

Naša web stranica, ali i prisustvo na društvenim mrežama putem Facebooka i Instagrama je doživjelo progresiju u smislu posjećenosti, broju lajkova itd. Info pult radi u dvije smjene i dostupan je svim građanima 18h dnevno za sve informacije, kao i uplate/isplate za izvršene usluge. Plan nam je da produktivno komuniciramo i ispunimo osnovne ciljeve JU KSC Kakanj. Odjel za marketing i odnose s javnošću u radu naše Ustanove pomaže nam da to realizujemo. Plan nam je da produktivno komuniciramo i ispunimo osnovne ciljeve JU KSC Kakanj.

### **Naši osnovni zadaci i vizija:**

- Redovno prikupljati povratne informacije
- Osigurati da korisnici usluga znaju kakav kvalitet naših usluga mogu očekivati, kao i da znaju šta se očekuje od njih samih

- Omogućiti redovan protok informacija prema ciljnoj grupi
- Pružiti korisne, praktične informacije i podršku
- Konstantno raditi na osvježavanju i modernizovanju web stranice (plan je da se dodaju fotografije uposlenika koji predstavljaju određene sektore u našoj Ustanovi kako bi javnost bila upućena s kim imaju priliku da sarađuju i komuniciraju).

Namjeravamo nabaviti opremu za studio u kojem bi pravili vlastite audio-vizuelne materijale, koje bi osim za potrebe naše Ustanove mogli ponuditi i drugim licima. Plan je da se napravi poseban app za Ski centar Ponijeri (unos temperature, visine snijega, rad ski lifta, ugostiteljskog objekta i live prenos sa ski.ba)

Naš glavni cilj je navesti korisnike na akciju i postati institucija koja je stalno prisutna i vidljiva široj javnosti i koju ciljana publika doživljava kao primarno mjesto.

- Primati povratne informacije od naših sugrađana i saradnika; - Ostvariti dobru online reputaciju;
- Poboljšati marketinške kanale;
- Objavljivanje sadržaja na društvene medije i povećanje broja pratitelja; - Usmjeravanje na stvaranje modernog i primjenjivog vizuelnog sadržaja; - Razvijanje digitalne strategije uz koju uspješno komuniciramo sa potencijalnim kupcima;
- „Prodaju“ ćemo nastaviti povećavati pomoću internet oglasa koji usmjeravaju ljude na našu web stranicu gdje nudimo sve usluge; - Plan je da naše usluge učinimo dostupnim u svakom trenutku i prikazemo u najboljem svjetlu;

Optimalno koordinirani marketinški kanali pružaju nam više posjetitelja, a precizno ciljanje donosi vam ciljani promet i povećava prodaju u svim našim segmentima djelovanja.

Također imamo android aplikaciju naše stranice, koja je svima dostupna. Između ostalog, građani redovno imaju informacije o visini snijega na Ponijerima, funkcionisanju ski-lifta, vremenskim prilikama i temperaturi u posebnom odijeljku na web stranici. Zahvaljujući saradnji sa web portalom ski.ba postavljena je **web kamera na Ski centru Ponijerima**, koja 24 sata tokom cijele godine online emitovativideo i sve podatke sa tog mjesta, a građani će ovoj usluzi moći pristupiti putem naše službene web stranice i web stranice [www.ski.ba](http://www.ski.ba)

## **TEKUĆE ODRŽAVANJE I INVESTICIJE**

### **Planirane investicije za 2021. godinu:**

Nabavka ratraka.....	50.000,00 KM
Nabavka peći za objekat na Ponijerima.....	10.000,00 KM
Nabavkakancelarijske opreme.....	2.000,00 KM

U skladu sa mogućnostima i potrebama radit će se redovno održavanje svih objekata, klima, postrojenja i alata, kojima upravlja i raspolaže JU KSC Kakanj. Javna ustanova će u toku ove godine nastojati obezbjediti sredstva putem javnih poziva za adaptaciju poslovnog objekta sa sportskim terenom na Ponijerima, zaposliti minimalno 5 novih uposlenika (konobari, kuhari, domar/recepcionar). Objekte kojima raspolažemo nastojat ćemo dovesti u dosta bolje stanje od onih u kojima se trenutno nalaze te time onemogućiti dalje propadanje, kao i povećati sigurnost zaštite od požara i provale. U tom smislu smo potpisali ugovor sa zaštitarskom agencijom. U proteklom periodu je uređen depo muzeja, te smo dobili adekvatan prostor za deponovanje eksponata iz Muzeja koji nisu direktno izloženi za javnost.

Ski centar Ponijeri takođe zahtjeva velika finansijska sredstva kako bismo na pravi način ulagali u ovaj centar i očekivali povrat uložениh sredstava. Ovakav zahvat podrazumjeva izradu ozbiljne strategije u čiju izradu se treba uključiti veći broj stručnih lica, a onda da se usvoji 10-to godišnji plan realizacije te strategije, kao i neophodna sredstva. Između ostalog potrebno **je nabaviti potpuno novi lift sa više vučnih kapaciteta, novi ratrak, proširiti i prosjeći nove ski staze, dodatne staze za sankanje u sklopu Ski centra Ponijeri smo završili prošle godine i to se pokazalo kao efikasan potez.**

Pojedinačne nabavke manje vrijednosti se usvajaju na početku godine poslovanje u sklopu plana javnih nabavki i uredno se posluje u skladu sa usvojenim planom.

R/b	Naziv investicije	Plan za realizaciju u toku 2021.	Plan za realizaciju u toku 2021. u zavisnosti od finansijskih priliva i projekata	Iznos Cca
1	Nabavka ratraka za Ski centar Ponijeri	x		50.000,00
2	Nabavka peći za poslovni objekat na Ponijerima	x		8.000,00
3	Nabavka kancelarijske opreme	x		2.000,00
4	Nabavka novih protiv požarnih aparata		x	1.000,00
5	Nabavka ulaznih rampi za očitavanje karata za korištenje ski lifta na Ski centru Ponijeri		x	5.000,00
6	Asfaltiranje parkinga na platou Ski centra Ponijeri		x	40.000,00

7	Renoviranje objekta na ski centru ponijeri		<b>x</b>	50.000,00
8	Izrada idejnog projekta za ski centar ponijeri		<b>X</b>	5.000,00
9	Spajanje Likovne galerije i Muzejskih prostorija – prolaz kroz pregradni zid		<b>X</b>	1.000,00
10	Renoviranje toaleta u Upravi		<b>X</b>	2.000,00

### **LJUDSKI RESURSI**

Dodatna edukacija iz svih oblasti kojima se Ustanova bavi, usavršavanje za sprovođenje postupka javnih nabavki, formiranje tima za praćenje i pisanje projekata za aplikaciju na otvorene javne pozive, samo su neki od planova na kojima će menadžment JU raditi u narednom periodu kada je u pitanju ulaganje u ljudski resurs.

Ovaj Prijedlog programa rada JU „KSC“ Kakanj za 2021.godinu usvojen je na 25. sjednici Upravnog odbora održanoj 12.03.2021.godine i sačinjen je na 15 stranica.

Broj: 208-11 /2021.godine

Datum: 12.03. 2021.godine

Predsjednica Upravnog odbora JU

Direktor JU

\_\_\_\_\_  
/Aida Silajdžić/

\_\_\_\_\_  
/Mirza Mušija/